

গণপ্রজাতন্ত্রী বাংলাদেশ সরকার
জাতীয় রাজস্ব বোর্ড
ঢাকা।

নথি নং-৩(৫৩)শুক্র-২/৮৮(অংশ)/১১৩৭

তারিখ ২৮.৫.১৯৯৭

বিষয়: জাতীয় রাজস্ব বোর্ড ও Japan International Co-operation Agency (JICA) এর মধ্যে গত ১৩.৫.৯৭ তারিখে
অনুষ্ঠিত সভার কার্য বিবরণীর সিদ্ধান্তসমূহ বাস্তবায়ন প্রসংগে।

বিষয়োন্নিখিত সভার কার্যবিবরণী এতদসংগে প্রেরণ করা হলো। কার্যবিবরণীতে বর্ণিত সিদ্ধান্তসমূহ যথাযথভাবে বাস্তবায়ন
ও প্রতিপালনের জন্য নির্দেশক্রমে অনুরোধ করা যাচ্ছে।

স্বাক্ষরিত/-
(মোঃ সাইফুল ইসলাম)
দ্বিতীয় সচিব (শুক্র: প্রকল্প সুবিধা)

নথি নং-৩(৫৩)শুক্র-২/৮৮(অংশ)/১১৩৭

তারিখ ২৮.৫.১৯৯৭

বিষয়: কাস্টমস পাশ বই সংক্রান্ত বিষয়ে Japan International Co-operation Agency (JICA) এর সাথে গত
১৩.৫.৯৭ইং তারিখে জাতীয় রাজস্ব বোর্ডে অনুষ্ঠিত সভার কার্যবিবরণী:

চাকাস্ত ‘জাইকা’ অফিসের একটি প্রতিনিধি দল ১৩.৫.১৯৯৭ইং তারিখে জাতীয় রাজস্ব বোর্ডের চেয়ারম্যান ও সদস্য
(শুক্র) -এর সাথে বৈঠক করেন। জাতীয় রাজস্ব বোর্ডের দ্বিতীয় সচিব (শুক্র: প্রকল্প সুবিধা) এবং দ্বিতীয় সচিব (শুক্র: যাত্রী সুবিধা)
উক্ত বৈঠকে উপস্থিত ছিলেন। জাইক এর কর্মকর্তা বিশেষজ্ঞ এবং JOCV এর অনুকূলে কাস্টমস পাশ বই ইস্যু সংক্রান্ত নীতিমালা
পাশ বই ইস্যুর পদ্ধতি বিলম্ব ইত্যাদি বিভিন্ন বিষয় বৈঠককালে আলোচিত হয়। জাতীয় রাজস্ব বোর্ড প্রণীত ঐসব নীতিমালা এবং
অনুসৃত পদ্ধতি সহজীকরণের জন্য ‘জাইকা’ প্রতিনিধিদল বৈঠকে অনুরোধ জানান।

২। আলোচনা-অন্তে গৃহীত সিদ্ধান্তসমূহ নিম্নরূপ:

(ক) কাস্টমস পাশ বই (CPB) ইস্যু করার অনুমতির জন্য মন্ত্রণালয়ের সুপারিশপত্র মন্ত্রণালয় সূত্রে JICA অথবা
authorized এর প্রতিনিধির মাধ্যমে বোর্ডের শুক্র (প্রকল্প সুবিধা/যাত্রী সুবিধা) শাখায় প্রাপ্তির সর্বোচ্চ ০৭(সাত) কার্যদিবসের মধ্যে
CPB ইস্যুর অনুমতিপত্র জারী করতে হবে। তবে মন্ত্রণালয়ের সুপারিশপত্র বোর্ডের উক্ত শাখাতে পৌছার ৩/৪ দিনের মধ্যে অনুমতি
পত্র জারী করা হয়েছে কি না তা জানার জন্য JICA এর authorised প্রতিনিধিগণ টেলিফোনে অথবা ব্যক্তিগতভাবে দ্বিতীয়
সচিব/শাখা প্রধান এর সাথে যোগাযোগ করতে পারবেন।

(খ) JICA এর কর্মকর্তা, বিশেষজ্ঞ ও JOCV এর অনুকূলে CPB ইস্যুর জন্য সংশ্লিষ্ট মন্ত্রণালয়ের মূল সুপারিশপত্রটি JICA এর authorised প্রতিনিধি জরুরী প্রয়োজনে মন্ত্রণালয় হতে সংগ্রহ করে হাতে হাতে বোর্ডের শুল্ক: প্রকল্প সুবিধা অথবা প্রযোজ্য ক্ষেত্রে শুল্ক: যাত্রী সুবিধা শাখাতে জমা দিতে পারবেন। এতদুদ্দেশ্যে জাইকা অফিস তাদের ৩/৪ জন authorised প্রতিনিধির নাম ও স্বাক্ষরের একটি সত্যায়িত তালিকা জাতীয় রাজস্ব বোর্ডে অগ্রীম ভিত্তিতে দাখিল করবেন।

(গ) জাইকা - এর কর্মকর্তা, বিশেষজ্ঞ এবং জেওসিডি এর অনুকূলে CPB ইস্যুর অনুরোধ পত্রের সাথে সংশ্লিষ্ট তথ্যাদি সম্বলিত নির্ধারিত ছক (Format) প্রেরণ না করা হলেও জাতীয় রাজস্ব বোর্ড সে আবেদন বিবেচনা করবে। তবে নির্ধারিত ছক অনুযায়ী না হ'লেও অত্যাবশ্যকীয় কিছু তথ্য যেমন: সংশ্লিষ্ট বিশেষজ্ঞের নাম, দায়িত্ব/কর্মসূলের নাম, বাংলাদেশে তার এককালীন কর্মমেয়াদ, ভিসার বলবৎ মেয়াদ ইত্যাদি এবং এসব তথ্যাদির প্রামাণ্য দলিলাদির সত্যায়িত কপি অর্থনৈতিক সম্পর্ক বিভাগের মাধ্যমে যথাযীতি প্রেরণ করতে হবে।

(ঘ) জাতীয় রাজস্ব বোর্ড কর্তৃক জারীকৃত কাস্টমস পাশ বই ইস্যু করণের অনুমতিপত্র প্রাপ্তির পরবর্তী ৩(তিনি) কার্যদিবসের মধ্যে সংশ্লিষ্ট শুল্ক ভবন কর্তৃপক্ষ উক্ত CPB ইস্যু করবেন।

(ঙ) জাইকার কর্মকর্তা, বিশেষজ্ঞ এবং ভলেন্টিয়ারগণ বাংলাদেশ ত্যাগের পূর্বে তাঁদের নিজ নিজ কাস্টমস পাশ বইয়ের মাধ্যমে আমদানিকৃত durable goods এর নিষ্পত্তি অবশ্যই সম্পন্ন করবেন এবং নিষ্পত্তিকৃত পাশ বই সংশ্লিষ্ট শুল্ক ভবন কর্তৃপক্ষের নিকট জমা দিবেন। Durable goods এর নিষ্পত্তির ক্ষেত্রে গাড়ী বা অন্য কোন durable শুল্ক কর্তৃপক্ষের নিকট সমর্পণ (surrender) করতে পাশ বই ধারী ব্যক্তি আবেদন করলে শুল্ক ভবন কর্তৃপক্ষ সেসব মালামাল গ্রহণের জন্য ত্ত্বান্তরিত ব্যবস্থা গ্রহণ করবেন। কোন বিশেষজ্ঞ/কর্মকর্তা/ভলেন্টিয়ার তার পাশ বই -এর মালামালের নিষ্পত্তি না করে বাংলাদেশ ত্যাগ করলে তার দায়-দায়িত্ব ঢাকাস্থ জাইকা কর্তৃপক্ষের উপর বর্তাবে।

(চ) জাতীয় রাজস্ব বোর্ডের ভূতপূর্ব স্থায়ী আদেশ নং-২/৯০ এ ‘durable goods’ এর যে সংজ্ঞা বিধৃত ছিল—কাস্টমস পাশ বইয়ের মাধ্যমে আমদানিকৃত durable মালামাল নিষ্পত্তির ক্ষেত্রে সেই একই সংজ্ঞা আগামীতে অনুসরণীয় হবে।

স্বাক্ষরিত/-
২৮.৫.১৯৯৭
(মোঃ সাইফুল ইসলাম)
দ্বিতীয় সচিব (শুল্ক: প্রকল্প সুবিধা)